

後白河天皇

日本史後白河天皇諱雅仁鳥羽第四子崇徳同母弟也大治二年九月戊戌生於三條殿十一月爲親王保延三年十二月始讀孝經五年十二月冠久壽二年秋七月戊辰近衛崩法皇與美福門院關白忠通議立天皇己巳踐阼於高松殿關白忠通太政大臣實行左大臣藤原賴長內大臣兼右近衛大將藤原實能權中納言兼右近衛大將藤原兼長並如故秋八月丙子朔葬近衛天皇秋九月丁卯以皇子守仁爲親王是日立爲皇太子冬十月庚子卽位於太極殿時年二十九十二月己丑高陽院崩

丙二十
子六 保元元年日本史夏四月戊戌改元秋七月辛丑法皇崩

是夜葬鳥羽天皇壬寅京師流言上皇集兵東三條殿窺高松殿
敕下野守源義朝收東三條殿畱守少監物藤原光貞等鞫之甲
辰以上皇徵兵道路騷擾敕源義朝及檢非違使源義康警衛禁
內遣檢非違使平基盛於宇治源季實於淀平維繁於栗田口平
實俊於苦集滅道藤原助經於大江山捕諸國兵士齋甲入京者
乙巳平基盛獲太和人源親治繫西獄丁未以左大臣藤原賴長
使僧勝尊修法於東三條殿呪詛國家使源義朝捕勝尊廷議處
賴長流戍申上皇徙御白河前齋院第己酉遷白河北殿天皇使
左衛門尉平信兼要藤原賴長於櫃河賴長閒行入白河天皇遣
左近衛大將藤原公教參議藤原光賴報狀美福門院美福門院
召安藝守平清盛警衛禁內庚戌以皇居湫隘遷東三條殿天皇

親執劍璽細
高黎明源義朝平清盛自鳳頭源賴政以源重成檢非違使

源義康源光信源季實平維繁平實俊藤原助經平信兼率兵一
千七百餘騎圍白河北殿縱火急攻大敗之上皇與親臣數人潛
出宮敕檢非違使燒上皇三條烏丸宮藤原賴長壬生第及黨與
十二家遣源季實於宇治備柰良僧徒天皇遷御高松殿復關白
忠通氏長者以安藝守平清盛爲播磨守下野守源義朝爲左馬
頭檢非違使源義康爲藏人辛亥上皇薙髮使式部丞源重成守
上皇於仁和寺使源季實捕藤原教長源成雅於廣隆獲之藤原
成隆藤原實清以下將士剃髮相繼出降癸丑藤原賴長死甲寅
使藏人右少辨藤原資長權右少辨藤原惟方大外記中原師業
鞫問源師光俊通姓關藤原家長於東三條藤原成憲及弟經憲秦
佐康於勒負廳使檢非違使平實俊幽重仁親王於東洞院戊午

斬平家弘源為義平忠正及子弟黨類七十餘人

外史一平氏忠盛七子曰清盛經盛教盛家盛賴盛忠重忠度而
清盛最極寵貴初忠盛之事白河上皇上皇有嬖姬居祇園祠傍
常夜幸焉雨甚觀鬼髮如束針乍覩乍失命忠盛射之忠盛捕而
視之一老僧束髮以代笠提火器行吹之白將上獨於祠也
皇謂忠盛膽勇可倚益有寵所幸宮人兵衛佐局與忠盛私有身
上皇即賜之曰生女則朕取之即男也卿以為子也宮人免身
男是為清盛後更娶妻生家盛賴盛清盛出依中御門氏大治中
任左衛門尉累遷至從四位下安藝守航海赴任有魚入其舟或
曰與家之兆也先是鳥羽太子受禪是為崇德帝母璋子幼養
於白河法皇鍾愛之及長不棄頗涉物議鳥羽是以不子視崇德
也戲曰法皇鍾愛之及長不棄頗涉物議鳥羽是以不子視崇德
令崇德養為太子四歲受禪是為近衛帝帝崩崇德復位崇德
密勸鳥羽立崇德同母弟雅仁是為後白河帝帝野駭然崇德憤
志召左大臣藤原賴長語之以情賴長慧黠世稱惡左府與兄忠
通爭權不逞欲使上皇復位而已專柄也乃慫恿舉兵物情恟然
保元元年七月法皇崩即夜葬之上皇遂舉兵據白河殿源為義
等屬之法皇豫度有變遺命諸將當召者清盛不與焉蓋以忠盛
夫妻傳重仁也美福曰安有強如平宗而不召乎遂召之清盛舉
其宗應召焉叔父忠政獨赴上皇宮清盛義子基盛為檢非違使
擄上皇黨源親治於宇治已而赦源義朝攻白河殿源清盛等衛
命不必此門重盛不肯曰擇敵而進豈武臣所為乎見請當之清
盛令兵士擁止重盛與共攻南門白河殿陷上皇出走入如意山
削髮奔南都途被執遷於讚岐賴長中流矢已而自殺帝詔清盛
捕為義未獲忠政出依清盛乞降不聽殺之朝議因令義朝殺為
義以清盛為播磨守超遷太宰大貳重盛以下受賞有差始與甲
第於六波羅○日本外史二源氏上帝之保元元年法皇有疾召
左大臣藤原賴長為謀主焉四募兵京畿大擾得子乃啟篋則書
武臣十人名以義朝為之首即召義朝義朝乃率兵與族賴政等
俱衛高松殿賴政者賴光五世孫也安藝守平清盛亦應召入衛
於是上皇使使者召為義為義辭曰臣老羸非復平昔長子義朝
勇而有眾而既赴禁內矣餘子獨為朝可用君請用之毋以臣為
也且臣夢家所傳八甲為風所漂臣心惡之往必不利也使者強
之為義不得已率諸子赴之上皇喜以為判官代賜邑及寶劍以
四子賴賢為藏人因會議戰為朝進而言曰臣大戰二十小戰二
百以芟鋤九國以少擊眾每利夜攻臣請今夜襲高松殿火其三
方而娶之一面其善戰者獨有臣兄義朝然臣一矢斃之至如平
清盛輩臣鎧袖一觸皆自倒耳則乘輿必不得出臣乃加矢其從
兵徙乘輿於此而奉陛下於彼易於反掌東方未白大事集矣賴
長曰為朝年少負氣所言皆鄙人私鬪之事安可施之帝王之戰
耶兩帝爭國當用堂堂之陣南都僧兵應召且至成軍以戰未晚
也為朝退竊罵曰唉長袖者惡知兵哉家兄有謀將出我所欲為
僧兵寧可須也為義又進策曰本宮垣溝單淺無地可據以寡兵

保此非計也陛下宜幸南都撤宇治橋以守即不利幸於關東臣
糾合家人奉輿復闕臣籌之不難賴長弗聽為義退而言曰吾不
知死所矣與其六子賴賢賴仲為宗為成為朝為仲分八甲授之
送一於義朝為朝軀幹大不可服乃忠服他甲獨以二十八人守西
門餘子盡從父以百騎守南西門平忠政等諸將以兵數百分守
諸門義朝在禁內關白藤原忠通以下聚議不決義朝數趣之有
詔召義朝於階下問計對曰取勝一舉莫若夜攻臣聞南都兵干
餘應上皇徵已次字治矣宜及其未至擊之從之詔戰勝聽昇殿
憲朝對曰武臣赴戰不期生還臣請拜賜而死攝衣而昇藤原通
曰勿問義朝之感喜還營繫鞭車傍曰我即戰死誰知我父若何
識之也乃以選兵四百襲白河殿平清盛亦赴之兵凡數千人上
皇謀者還報為朝晒曰固當然爾賴長恐為朝不為用遽拜為
人為朝曰吾何用藏人論為吾鎮西入郡可矣辭不拜將戰諸子
先不決為朝曰臨戰何論兄弟然吾嚮以不遜獲罪故欲先而
敢唯敵勁難當處輒命於我賴賢賴仲邀擊義朝敗退義朝隨攻
之平清盛攻西門其將伊東景綱與二子伊東五郎伊東六先進
朝射之洞五之胸而著六之袖清盛懼而退獨其騎山田伊
返戰為朝又射斃之馬逸入義朝陣鐵穿鞍而退獨其騎山田伊
政家取而獻之曰入郎君所為也義朝曰彼弱齡未當至此設詐
以怖敵耳汝嘗試之政家自呼而進為朝曰爾非吾家人乎對曰
昔為主君今為兒徒射中其背為朝大怒與二十八騎闕門突出
政家辟易退走義朝以二百騎馳之呼曰吾奉宣旨來汝盍趣降
於其弟義朝與批亦於期刻期義朝之呼曰吾奉宣旨來汝盍趣降
之注箭既而舍之曰父在此兄在彼焉知其不有所潛約勝敗互
相救護哉乃注鳴鏑願謂家季曰吾且視其魄家季曰得毋誤乎
為朝曰第觀吾所為乃射穿胛貫門扇義朝大驚乃呼曰八郎
射未為精為朝曰不為焉耳即被許甲之高胄之題唯阿兄所命
乃注大箭深巢清國進蔽義朝應弦而倒義朝兵死傷最眾為朝
亦喪二三十騎猶固守為義賴賢等又善拒天漸明義朝馳使奏
請用火攻聽之乃縱火上為風煙焰蔽宮中大亂義朝等鼓譟終
陷之上皇出奔入如意山為義以下悉從之上皇親諭散遣之皆
揮泣而散為義將遁東國病不能行抵箕浦追兵來薄諸子力戰
卻之左府垂盡乃削髮欲因義朝請降為朝諫曰上皇者帝同母
兄而左府為關白親弟聞上皇已遷讚岐左府亦死骨肉之不可
恃如此大人盍鑒焉不若赴東國倚其豪族官軍即來兒為竭力
力盡而後死不亦可乎不聽遂出降初清盛奉敕索為義不得會
平忠政出降其叔父也素與有隙則斬而獻之帝怒曰清盛能誅叔父
義朝斬為義誅義朝數請以己戰功贖其命帝怒曰清盛能誅叔父
義朝獨不能誅義朝數請以己戰功贖其命帝怒曰清盛能誅叔父
謀之鎌田政家對曰此非將命清盛斬之義朝憂懼不知所出
免於誅賴賢以下五人皆死於此義朝意決使政家誘殺之自奉其
首詣關賴賢以詔遣人殺之鶴若謂使者曰抗關者當死吾儕何
皆幼語義朝聞龜若曰家兄誤矣使吾輩存在多於數百士卒也乙
科恐語諺聞龜若曰家兄誤矣使吾輩存在多於數百士卒也乙
若諭諸弟曰女輩勿復言下野守既忍於父矣何有於弟哉是無
他陷清盛計中自鐵其羽翼耳事已至此生猶蒙辱不若速死以

考其後白河

四

從父於地下也
庚申遣左史生中原師信等於柰良發藤原賴長墓

檢其屍壬戌遷上皇於讚岐京師流言平清盛源義朝將戰朝野

騷擾八月壬申流藤原賴長子兼長師長隆長及黨與十三人九

月辛丑捕源為朝流於伊豆大島

日本外史三源氏上為朝匿於

貞要之也不果適有疾浴於民家或視其身材魁偉告之於官官

遣兵圍之為朝裸體挾柱擊殺數人而就縛至闕庭特減死一等

拔其臂筋流於大島為朝筋力雖減用箭加長曰天子賜我大島

遂并有旁五島舊臣稍稍來附後數年救狩野介攻之為朝射沒

其一艦而自冬十月戊午復置記錄所參決庶務甲子敕改定今

年麻日乙丑尊皇后曰皇太后中宮曰皇后立女御藤原忻子為

中宮十一月乙酉禁京師道路執兵仗是歲敕五畿七道造大內

右大臣藤原宗輔為太政大臣冬十月庚子大內成徙御十一月

乙亥置漏刻十二月甲寅敕自今以後勿拘金神方忌

寅八 保元二年日本史春二月甲午尊皇太后曰太皇太后皇

后曰皇太后準母前齋院統子內親王曰皇后夏四月庚戌以關

白忠通家奴凌辱參議藤原信賴其家司平信範奪官藤原邦綱

除籍下隨身七人於檢非違使忠通就第柱門秋八月戊戌天皇

讓位於皇太子上尊號曰太上天皇遷御高松殿平治元年五月

修五十講於高松殿先是上皇欲聽政院中如鳥羽法皇故事嬖

臣權中納言藤原信賴與前少納言藤原通憲每相傾軋圖去通

憲而專權引左馬頭源義朝為黨十二月信賴與大納言藤原經

宗右近衛中將藤原成親檢非違使別當藤原惟方等作亂信賴

義朝舉兵夜犯上皇三條殿上皇大驚權中納言源師仲進車上

皇倉皇與上西門院同載出宮信賴使式部丞源重成檢非違使

源光基源季實等擁上皇入大內幽於一本御書所重成季實護

之義朝等放火三條殿煙焰蔽天左兵衛尉大江家仲右衛門尉平康忠力戰而死朝臣宮女赴火焰并死傷者多信賴入居大內分命將士嚴守諸門徒二條帝於黑戶御所令藤原經宗藤原惟方護之自爲大臣大將遂殺通憲既而經宗惟方悔黨賊勸帝潛幸太宰大貳平清盛六波羅第藏人右少辨藤原成賴入奏上皇曰天皇既幸六波羅宜速出宮上皇乃使左衛門尉平泰賴入居寢室而變服乘馬幸仁和寺既而清盛討信賴義朝皆伏誅永祿元年正月自仁和寺還御參議藤原顯長八條第時登棚閣以眺望經宗惟方矯詔以板蔽之上皇不悅經宗惟方謂帝當親政事不宜使上皇知焉上皇聞之震怒召清盛曰朕之抑鬱由是二人令朕得甘心清盛捕之將處死前關白忠通請減一等流之自是清盛威權漸熾顯官美職咸出其門三月辛酉吉世德保元并將慶平等院延麻寺疑建戒壇佛徒蜂起遂不果四月論延麻寺臨慶之僧徒猶疑戎服陳於東坂下長寬二年使清盛造蓮華王院安觀世音像一千軀十二月臨慶焉永萬元年七月二條帝崩皇太子卽位是爲六條帝當是時清盛權勢赫奕上皇厭之及葬二條帝延麻寺僧與興福寺僧爭鬪延麻寺發兵燒清水寺京師訛言上皇使延麻寺僧徒討清盛上皇幸六波羅第親諭之清盛稱疾不拜謁仁安元年十月上皇立皇子憲仁親王爲六條帝皇太子皇太子於帝實爲皇叔帝年僅三歲太子六歲時人議其彝倫失敘十一月徙御烏羽殿二年正月徙御法住寺殿三年二月六條帝傳位皇太子是爲高倉帝稱上皇曰一院初二條帝在位不得與政及高倉帝立上皇在院專決機務近習以下至北面遷官加恩莫不如意然是時清盛以積威弄朝權上皇雖嫉其橫暴而

不得制嘉慶元年三月上皇幸高野太政大臣忠雅內大臣源雅
通以下扈從還過清盛福原別莊是後屢臨焉六月上皇薙髮法
名行眞受戒於園城寺長老覺忠二年幸熊野巡行三山建率堵
婆於瀧本書曰智證門院阿闍黎瀧雲坊行眞四月幸奈良受戒
於東大寺會一千僧供養之承安元年十月幸福原二年七月三
條室町宮成徙御焉三年五月鴨合於院內權大納言平重盛爲
左長權中納言藤原邦綱爲右長十月徙御法住寺殿新堂觀建
春門院慶最勝光院四年三月幸福原遂幸嚴島九月今樣合選
善謠者三十人限十五夜使大納言藤原師長權中納言源資賢
判其優劣至十二夜法皇親唱一曲世傳稱之安元二年三月法
皇壽五十高倉帝行慶壽禮於法住寺殿宴樂歌舞帝自吹笛四
月告堂於法住寺殿安觀世音像一千軀華嚴講於長講寺陞注
明雲洽承元年四月慶七條殿佛堂修法華八講於長講寺陞注
日是時權大納言藤原成親有寵於法皇藤原師光亦爲法皇所
親近頗張威福成親有憾於清盛與師光相結引樹黨友圖滅平
氏數會議於法勝寺執行俊寬鹿谷別莊法皇聞其謀欲密往而
臨之僧靜賢諫而止既而事覺清盛收成親師光等或流或殺將
幽法皇於烏羽其子重盛切諫而止自是法皇與清盛益相猜忌
十二月幸蓮華王院慶五重木塔二年六月角合於院內十二月
修往生講自是月修之三年十一月清盛憾法皇收重盛舊領率
兵入京師人情恟恟法皇憂懼遣僧靜賢於六波羅慰諭清盛清
盛猶不釋然幽法皇於烏羽殿四年二月高倉帝傳位於皇太子
是爲安德帝時清盛子崇盛爲法皇屢說清盛因徙法皇於八條
烏丸第稍緩防衛會以仁王起兵討清盛事敗六月清盛遂遷法

皇於福原新京幽於板屋八月源賴朝起兵伊豆九月源義仲起兵信濃十一月清盛還京師法皇御平重盛六波羅舊第十二月徙御權中納言平賴盛第與上皇同居清盛從此不復禁近臣入侍獻美濃讚岐請聽政如故養和元年正月上皇崩安德帝尙幼法皇又聽斷萬機閏二月清盛薨法皇遷法住寺殿十二月移法住寺殿於蓮華王院側徙御壽永元年四月幸延麻寺慶金泥如法經於日吉社京師訛言法皇敕僧徒討平氏兵士警衛內裏平重衡迎法皇而還二年七月平宗盛等聞源義仲迫京師將奔西海法皇夜出宮閒道幸延麻寺左馬頭源資時檢非違使平知康等從以圓融房爲行宮宗盛遂挾帝及建禮門院西奔法皇還御法住寺殿源義仲源行家等入京師法皇敕討平氏以義仲爲左馬頭兼越後守行家爲備後守法皇憂京師無主將有所立而以無三種神器疑之遂下決之源義仲稱故以仁王功欲立其子北陸宮法皇與攝政基通前關白基房左大臣藤原經宗右大臣藤原兼實議立皇孫尊成親王是爲後鳥羽帝源義仲縱士卒侵掠輦下十一月法皇徵延麻寺園城寺僧徒備義仲橫暴義仲遂反襲法住寺殿遷法皇於攝政基通五條第十二月徙御左馬權頭大江業忠六條西洞院第義仲逼請院宣討源賴朝法皇不得已而許之元祿元年正月源賴朝遣弟範賴義經討義仲義仲敗走義經等入京師護六條第法皇遂敕賴朝討平氏四月徙御白河押小路殿文治元年是時源義經護衛京師與兄賴朝有隙杖父行家亦爲賴朝所疏斥每怨之義經遂與之合十月詣法皇宮請下追討賴朝宣旨法皇又不得已許之賴朝遣兵擊走義經以故賴朝憾法皇不肯入朝十一月法皇遣使於鎌倉告諭賴朝且下

院宣於諸國捕行家義經以悅其意賴朝遣北條時政於京師請
置守護地頭於諸國十二月賴朝上書黜陟公卿悉奪黨行家義
經者官職法皇曲意皆從其請三年八月受灌頂於園城寺建元
九年十一月源賴朝入朝屢謁法皇陽陳誠款法皇大悅遇之極
厚二年十二月不豫先是源賴朝為法皇復造法住寺殿至是成
徙御三年三月乙酉崩於六條殿年六十六葬於蓮華王院法華
堂稱後白河院當即位之初專任藤原通憲造營大內置記錄所
復內宴相撲之儀世傳稱之法皇素好佛去位之後數幸石清水
熊野日吉四天王寺等修法讀經殆無虛歲在院三十餘年擁立
五帝而皆幼冲舉措黜陟如白河鳥羽二帝然自是亂逆相踵武
臣專制大權一去不可復收焉又中宮藤原忻子右大臣皇后平

滋子兵部少輔女御源懿子大納言藤原宗子內大臣藤原天

公能女高階榮子藤原成子大納言坊門局信業女紀氏膳

資女源氏延麻寺僧子十一皇后生高倉帝懿子生二條帝成子

生守覺法親王以仁王坊門局生圓慧法親王定慧法親王靜慧
法親王僧恆慧紀氏生承仁法親王源氏生道法法親王僧眞禎

二條天皇

日本史二條天皇諱守仁後白河長子也母贈皇太后藤原懿子
康治二年六月壬寅生於三條東洞院第未幾失恃美福門院鞠
之宮中仁平元年十月就仁和寺覺性法親王學久壽二年七月
後白河帝即位美福門院謂天皇長子宜居儲宮迺遣使仁和寺
迎入宮中九月為親王即日立為皇太子十二月冠保元三年秋
八月戊戌受禪於昭陽舍關白忠通罷以右大臣藤原基實為關
白太政大臣宗輔左大臣藤原伊通內大臣兼左近衛大將藤原

公教權大納言兼右近衛大將藤原公能並如故甲辰尊後白河
帝曰太上天皇丁未自昭陽舍徙御清涼殿冬十二月丙午天皇
卽位於太極殿時年十六

己二十平治元年日本史春二月戊戌上上皇準母皇后號曰上

卯九西門院丙午改上皇中宮曰皇后立妃妹子內親王爲中宮夏四

月甲辰改元冬十二月己未權中納言藤原信賴左馬頭源義朝

反率兵夜襲三條殿放火燒宮幽上皇於一本御書所左兵衛尉

大江家仲右衛門尉平康忠死之信賴遂入宮中遷天皇於黑戶

御所癸亥藤原信賴殺前少納言藤原通憲壬申流參議藤原俊

憲於越後乙亥夜天皇潛出宮行幸太宰大貳平清盛六波羅第

上皇幸仁和寺丙子左衛門佐平重盛與藤原信賴源義朝戰於

六條河原大敗之丁丑藤原信賴伏誅戊寅賞平清盛平重盛等

功受官進爵藤原信賴黨與七十餘人官職己卯天皇遷御美

福門院八條第

庚三永祿元年和漢年契納近衛皇后爲皇后日本史春正月癸

辰十未源義朝伏誅乙酉上皇自仁和寺遷御皇后宮大夫藤原顯長

八條第己丑改元三月庚寅流前權大納言藤原經宗於阿波前

權中納言源師仲於下野前參議藤原惟方於長門源義朝子賴

朝於伊豆其餘黨藤原信賴者處流有差夏五月壬辰先是肥前

人日向太郎通良反平清盛爲太宰大貳奉敕討平之是日傳首

京師上皇幸烏羽殿觀之日本外史一平氏義朝視平氏聲望出

婦亦與義朝有隙通憲參與大議多所釐正帝授位太子是爲二

條帝而上皇仍聽政在於通憲上皇嬖人曰藤原信賴求爲近

衛大將上皇欲聽之通憲不可因圖唐安祿山事跡上焉以諷之

信賴慙恨乃與義朝深相結納陰謀作亂藤原經宗藤原成親藤

原惟方等皆與其謀謀既定而畏清盛不敢發平治元年冬清盛

重盛率策後守家貞等五十人詣熊野行至切部六波羅使者來

告曰昨夜信賴義朝與源賴政源光基等率兵五百圍三條殿火
之并火少納言第殺傷無算遂幽上皇及主上於禁內少納言亦
遭害矣眾愕然清盛曰為之如何宜到熊野計之乎重盛曰武臣
赴天子之急何猶豫為清盛曰如何無甲何家貞曰臣豫慮有是事
矣開其擔出甲冑五十器械弓箭稱之眾乃結東北還已而聞源
氏兵要阿部野清盛曰彼眾我寡我且避之四國以謀再舉重盛
曰機不可失清盛曰吾志決矣先我我寡而敗何恥之有今日事
有死而已清盛曰至臣自六波羅六波羅之兵迎駕見在阿部野
源氏使也騎至曰臣自六波羅六波羅之兵迎駕見在阿部野
請速歸眾相喜慶踊躍入京師當是時信賴自為大臣大將義朝
以下皆拜官信賴慶躍入京師當是時信賴自為大臣大將義朝
仰視獨左衛門督藤原光賴乘輿坐百官上聽斷庶政百官莫敢
二宮以待清盛清盛既還信賴聞之益諸門守兵清盛謀急其備
乃致名簿於信賴以示無他清盛計拔帝乃與惟方通謀夜放火
二條大宮守門兵舍守救之天皇乃與皇后同車蒙衣而伏出藻
壁門惟方從門者誰何惟方曰宮人也門者燭於車中曰是矣既
出重盛以騎三百迎謁於途奉入六波羅百官萃焉關白藤原基
實亦至眾以其妻信賴妹也疑之或告清盛曰關白至矣清盛曰
此大臣也假令不來吾固將召焉眾心乃安已而上皇又逃於仁
和寺而信賴等仍據大內帝召清盛命討賊且戒之曰宜伴退走
誘賊出宮莫使宮闕罹兵燹也清盛對曰臣誅逆賊如指之掌勿
以勞天心至若後命臣甚惑焉雖然不敢不盡心乃勒兵二千騎
令重盛教盛賴盛將之分兵赴大內賊開昭明建禮二門關陽明
寺賢那寺三門關白其
力乃分其兵為二雷一於大宮巷以其一傳待賢門夫呼挑戰信
賴怖墜馬重盛排門而入至大庭棟樹下與源義平大戰紫宸殿
前七市櫻橋樹出至大宮巷杖弓以息平家貞曰之曰可謂平將
軍再生矣重盛更兵復入義平呼曰我源氏嫡子公平氏嫡子宜
與決死也重盛曰諾哉乃進戰且退與平家射之肩及背甲墜
及鎌田政家追之至二條塚重盛踰塚政家射之肩及背甲墜
搏入射馬馬倒而胄墜政家薄之重盛扞以弓取胄被之景安至
家所殺重盛得間走當是時賴盛欲親闖家泰進與義平相搏為政
朝卒有善走者入町二郎以鐵搭鉤其胄賴盛拔刀截搭二郎仰
仆賴盛走源氏兵空宮而出教盛乃以手騎橫入大內關諸門守
之義朝義平無所獲而還宮皆赤旗矣進退失據遂進攻六波
羅清盛乃上北臺踞床指麾賊兵皆至官軍遂巡賊乘勝而進矢
及內戶清盛怒上馬大呼馳出親突敵陣更兵交進賊遂大敗走
奔關東信賴至仁和寺乞哀於上皇上皇為請之於帝帝不許重
盛曰即宥之彼何能為清盛曰首惡不可不誅且如帝命何乃遣
人斬信賴於六條磧重盛教盛與其黨源師仲藤原成親等五十餘
戰功進其子弟官爵尾張人長出忠致誅義朝獻其首梟之獄門
賴盛將平宗清亦捕義朝少子賴朝至將斬宗清欄其首梟之獄門
宥池尼賴盛母於清盛為繼母清盛不聽尼怒曰刑部卿而在汝
安得侮我言乎重盛與賴盛固請乃滅死一等流於伊豆義平變

卷之十二

實盛免胄謂僧徒曰左馬既死矣我輩新募之兵將歸鄉耳公等
欲禡我鎧杖所不敢愛願子眾我寡不能周給請拋擲之公等自
取焉乃投其胄僧相蹂踐爭之三十騎因驅突而過至入瀨願見
信賴來呼義朝曰子何棄我義朝曰去至龍華又遇僧徒要路皆
見我乎舉鞭義朝曰子何棄我義朝曰去至龍華又遇僧徒要路皆
柵而過叔祖義隆中矢死語其朝曰入幡公遺體獨見此而
走之至堅田見義隆首泣語其朝曰入幡公遺體獨見此而
於此沈首湖水將渡會風濤起取路於勢多乃論實盛等二十餘
人令散去獨義朝不在使政家返索獲之至鏡驛聞平氏拒不破
義朝怪賴朝而後夜過森山驛土兵聚且捕之賴朝乃覺拔刀斬
由開道東出會大雪馬不能前皆釋甲步行復與賴朝相失至青
墓驛義朝嘗雙驛長女延壽生一女於是投其家乃分遣義朝
長募兵於信濃飛驒長女延壽生一女於是投其家乃分遣義朝
欲畱之而去朝長請父殺已勿為追兵所獲義朝乃刃之兵聞
乃走又遣義信募兵義信曰公欲安適曰欲適內海依公弗聽而
忠致者不達聞大俠玄光者延壽母兄也遣金王就謀玄光乃
載義朝政家柴覆之由株瀨河如內海津吏覺呵止之玄光為不
問而過吏追射之玄光回舟至岸吏入船發柴索之玄光曰義朝
雖敗亦從三三三騎也安依吾儕求活乎假使在焉必自殺耳安
落子等手義朝耳語政家曰玄光諷我自殺也如何政家曰且待
之使亦不義朝耳語政家曰玄光諷我自殺也如何政家曰且待
朝乃伏力士三人於浴室而進浴金王操刀侍浴力士不敢發
二求浴衣不至金王自取出之進浴金王操刀侍浴力士不敢發
聞變且起行酒者拔刀政家奪其刀斬之景致自後斬政家忠致
女嫁人取馬逃去忠致乃獻義朝及政家首於平氏義朝與政家
數十人取馬逃去忠致乃獻義朝及政家首於平氏義朝與政家
年並三十八信賴以下皆伏誅義朝平在飛彈來屬者甚眾聞義朝
死皆散義平欲自盡念當報父仇而死乃變服入京師適值舊臣
志內景澄因偽為其僕出入平氏第舍於三條烏丸舍主人視僕
舉止非凡又怪主僕每食於隱處也竊窺之則易饌而食乃走告
平氏平氏使難波經房以三百騎圍之義平拔刀出斬數人躍升
屋不知所往經房乃執景澄去義平圍之義平拔刀出斬數人躍升
近江舊人行至逢坂經房景澄去義平圍之義平拔刀出斬數人躍升
之義平蹶起箭中其臂不可揮刀終被縛至六波羅坐之堂緣怒
日吾何坐此自起入堂清盛出見謂之曰脫於三百騎獲於五十
騎何勇後怯也義平笑曰六條積義平臨刑仰首平氏第曰保
之大患宜速見殺乃斬於六條積義平臨刑仰首平氏第曰保
元之亂處斬者以夜今乃白日斬我平賊何狀乎嚮使夜迷行
奴輩無遺類矣遂被斬時年二十賴朝之裝為女子而薦包其刀
路出於小平山有漁人知其非常人舍之裝為女子而薦包其刀
自肩之送至青墓驛延壽家賴朝托截髮刀於延壽而去之關東
遇平氏將平宗清被虜還過延壽門義朝所生女年十二聞之泣
日我他日受辱寧今從阿兄死將走出眾止之後獨赴水死也賴

卷之二

三

朝既至六波羅就斬有日宗清謂之曰欲活邪曰然父兄皆亡非
吾誰祈其冥福宗清詣清盛後母池尼尼從容問曰賴朝如何對
曰肖右馬君右馬蓋尼之子蚤死者尼悲之為乞清盛再三乃得
有死流於蛭島道傍觀者見其有威容相語曰郎君宜存髮以待前
途賴朝首肯而去賴朝有六弟曰義門蚤死曰希義居駿河被虜
流土佐曰範賴為藤原範秀所養稱蒲冠者平氏不問也曰今若
日乙若曰牛若三兒皆婢常盤出也並從母匿於龍門里平氏索
之不獲因捕常盤之母常盤乃自至清盛悅其色密挑之不肯其
母涕泣說以禍福不得已從之清盛乃釋三兒盡為僧今若改名
全成居醍醐乙若更名義圓事圓慧法親王牛若甫二歲
居鞍馬山寺稱遮那王未削髮也平氏勢威歲熾月盛 六月辛

西前出雲守源光保及子備前守光宗坐謀不利於上皇流於薩
摩秋七月丙申太政大臣宗輔罷八月丙辰以左大臣藤原伊通
為太政大臣冬十月丙辰延麻寺僧徒以訴事奉日吉神輿入京
辛酉以僧徒訴流菅原資成奪治部權少輔菅原貞衡官十二月
丁酉美福門院崩戊戌葬美福門院

辛三十應保元年日本史秋九月癸酉改元甲申在馬權頭平教
盛右少辨平時忠坐謀立皇弟憲仁為皇太子尊官

壬三十應保二年日本史春正月丁酉晦前太政大臣宗輔薨二
月壬寅號中宮妹子曰高松院丙辰立女御藤原育子為中宮三

月乙未二條院成自高倉殿遷御夏六月癸未前太政大臣忠實
薨秋七月癸亥前太政大臣實行薨

癸孝宗隆 未興元 長寬元年日本史春三月庚申晦改元夏六月戊辰延
麻寺僧徒攻園城寺燒堂塔房舍

甲二長寬二年日本史春二月甲戌前關白太政大臣忠通薨秋
八月己卯新院崩於讚岐冬十一月辛亥朔日南至公卿表賀

乙乾道 西元 永萬元年日本史春二月壬午太政大臣伊通罷甲午前
太政大臣伊通薨夏六月壬午改元是夏京師多杜鵑鬪墜殿上

天皇惡之捕入之獄壬寅大漸以皇子順仁為親王是夜立為皇

太子天皇讓位於皇太子在位八年上尊號曰太上天皇稱新院
秋七月乙亥崩於三條院年二十三火葬於香隆寺稱二條院嘉
應二年五月藏御骨於三昧堂帝性沈重不移信任藤原經宗藤
原惟方政事一詢關白不使上皇與知焉由是二宮不協近臣用
事者上皇逐之上皇嬖臣帝貶黜之放流相踵人懷危懼上皇嘗
請進平信範平時忠官爵帝不聽曰天子無私親雖上皇言而政
豈可私乎反奪信範時忠官授其所請官於藤原長方藤原重方
上皇慶蓮華王院欲帝臨之而帝不省上皇使藏人平親範請賞
造寺功又不肯從上皇灑泣曰何所惡而至此時論謂帝長於政
事短於孝道又中宮妹子鳥羽育子左大臣實能女大藏大宮人伊岐氏輔政遠
某氏右馬助中原氏大外記子二伊岐氏生六條帝某氏生僧
尊慧光成女
師元女

六條天皇

日本史六條天皇諱順仁二條第二子也母伊岐氏紀兼盛女長
寬二年十一月乙未生中宮藤原氏子養之永萬元年二條帝不
豫六月壬寅詔爲親王其夜立爲皇太子受禪於高倉殿以關白
基實攝政左大臣兼左近衛大將藤原基房右大臣藤原經宗內
大臣兼右近衛大將藤原兼實並如故丙午尊二條帝曰太上天
皇秋七月甲戌卽位於太極殿時年二歲乙亥上皇崩八月癸未
葬二條天皇諸寺僧徒會葬揭榜爲班延麻寺班於興福寺上興
福寺僧怒斫延麻寺榜以辱之乙酉延麻寺僧徒戎服至清水寺
火其堂宇以報興福寺京師流言上皇敕僧徒討平清盛清盛子
弟會議六波羅聚兵自衛廷議使兵庫頭源賴政檢非違使平信
兼等陣郊外內藏頭平教盛若狹守平經盛等衛護大內上皇幸

清盛第親慰諭之

日本外史一平氏永萬元年帝崩諸寺僧徒會葬延麻園城二寺爭禮欲闕上皇召源賴政自

衛有訛言上皇圖平氏平氏大驚聚兵自守重盛曰事必妄也請

往法住寺親驗之法住寺上皇宮也乃往途遇上皇來幸平氏第

欲口解諭因扈還清盛稱病不出重盛入而諫曰大人宜出調吾

宗有功無罪事何遠至此大人慎勿形之辭色不則讒惑因以入

苟吾之執忠直何遠畏人言清盛善之而竟不出上皇還謂左右

日訛言誰使之者藤原師光前曰天使之言耳眾無敢應者師光

阿波人常以狡黠為藤原通憲所愛使後削髮稱西光為院北面

頗有寵心嫉平氏驕恣數承間說上皇是時太子嗣立是為六條

帝帝幼政甲辰行幸六條烏丸第避僧徒擾亂丙午晦遣中辨藤

原俊經於興福寺諭僧徒僧徒不奉詔九月甲戌遣兵栗子山以

備興福寺僧徒冬十月癸卯興福寺僧徒奉神木神輿入京請流

延麻寺座主俊圓甲辰赦許其請僧徒還柰良京師解嚴

丙二 仁安元年日本史秋七月丁卯攝政基實薨戊辰以左大臣

藤原基房攝政八月戊戌改元冬十月庚辰立皇叔憲仁親王為

皇太子日本國志後白河納清盛末所生故立之

刻 仁安二年日本史春二月庚辰以內大臣平清盛為太政大

臣夏五月甲寅太政大臣清盛罷六月己丑延麻寺所司三綱日

吉社司等詣上皇宮訴座主快修燒山上房舍秋九月辛卯五條

丙裏火天皇避之高倉殿甲午晦徙御大內

戊四 仁安三年日本史春二月丙午京師火延燒三千餘家己酉

子 以前太政大臣清盛疾非常赦王子天皇讓位於皇太子在位三

年上尊號曰太上天皇稱新院未加元服而稱太上天皇者以帝

為始安元二年七月患痢出御藤原邦綱東山第庚申崩於東山

第年十三葬於清閒寺稱六條院

高倉天皇

日本史高倉天皇諱憲仁後白河第四子也母建春門院平滋子

應保元年九月壬申生永萬元年十二月為親王仁安元年十月

立爲皇太子二年十二月始讀孝經三年春二月壬子自七條殿入閒院受禪攝政基房左大臣兼左近衛大將藤原經宗右大臣藤原兼實內大臣兼右近衛大將藤原忠雅並如故辛酉尊六條帝曰太上天皇三月丙子上皇太后號曰九條院壬午卽位於太極殿時年八歲尊所生女御平滋子曰皇太后八月己亥以內大臣藤原忠雅爲太政大臣

己丑嘉應元年日本史夏四月甲午改元戊戌上皇太后號曰建春門院冬十二月甲辰延麻寺僧徒奉日吉神輿鼓譟入宮城安神輿於建禮門壇上訴權中納言藤原成親法皇慰諭僧徒不奉詔乙巳流成親於備後僧徒乃還己酉以奏藤原成親罪狀不實流權中納言平時忠於出雲藏人頭藤原信範於備後召還成親

庚六嘉應二年日本史春二月丁亥以延麻寺僧徒再訴藤原成親官召還平時忠藤原信範夏四月命伊豆介狩野茂光誅源

爲朝於大島六月乙卯太政大臣忠雅罷冬十二月己未以攝政基房爲太政大臣攝政仍舊

辛七承安元年日本史春正月戊寅天皇加元服夏四月甲子攝政基房罷太政大臣乙丑改元冬十二月丙寅以平德子爲女御清盛女也

壬八承安二年日本史春二月己酉尊皇后曰皇太后中宮曰皇后立女御平德子爲中宮秋七月丙子伊豆國司奏有番舶泊巖島形如夜叉者五六人登島傷殺十餘人眾欲殺之腋下發火燒禾稼遂逃去九月宋明州刺史奉書及信物於法皇廷臣以爲書辭無禮當卻不聽冬十二月辛酉興福寺僧徒奉神木入京師訴事遣兵防之攝政基房爲關白

癸九 承安三年日本史春二月法皇贈書及染革沙金於宋宋復遣使來夏六月丙戌興福寺僧徒燒多武峯堂舍庚寅罷興福寺別當尋範秋八月乙亥皇后崩丙子葬皇后冬十月壬子法住寺新堂成法皇徙御戊辰以放火多武峯流興福寺僧覺興於播磨是月平清盛築經島於福原輪田泊十一月癸巳興福寺僧徒奉春日神輿至古津將入京請召還覺興流延麻寺座主下首乞沒七大寺莊園者於獄遣兵於宇治備之丙申法皇遣右大辨藤原俊經於宇治宣諭僧徒不奉命庚子敕興福寺僧徒從其請僧徒奉敕還柰良

宋史日本傳孝宗乾道九年始附明州綱首以方物入貢

甲清熙 承安四年日本史夏四月乙亥設藤花宴於勸學院使學生賦詩

未 安元元年日本史秋七月丁未改元大赦

宋史日本傳清熙二年倭船火兒滕太明毆鄭作死詔械太明付其綱首歸治以其國之法

丙三 安元二年日本史春三月甲子上西門院藏人平盛方坐殺中務少輔藤原爲綱流於佐渡夏六月乙酉高松院崩辛卯葬高松院秋七月辛亥建春門院崩癸丑葬建春門院庚申上皇崩乙丑葬六條天皇九月辛酉九條院崩冬十二月辛丑晦前兵衛尉源義經坐殺延麻寺僧流於佐渡

宋史日本傳三年風泊日本舟至明州眾皆不得食行乞至臨安府者復百餘人詔人日給錢五十文米二升俟其國舟至日遣歸丁四 治承元年日本史春三月乙巳以內大臣藤原師長爲太政大臣丁卯先是白山僧徒奉神輿至延麻寺許加賀日代藤原師

經燒涌泉寺法皇諭座主止之僧徒不奉命又請罪加賀守藤原師高及師經乙巳晦流師經於備後夏四月壬午延麻寺僧徒奉日吉白山神輿犯闕又請流師高廷議命內大臣平重盛兵庫頭源賴政禦之僧徒棄神輿於陽明門而去敕安神輿於祇園癸未都下誼言僧徒又起民庶騷擾天皇駕腰輿如法住寺殿避之甲申車駕還宮己丑流加賀守藤原師高於尾張下射神輿者六人於獄丁西京師火延及大內太極殿八省院會昌門應天門朱雀門神祇官民部省主計寮主稅寮式部省眞言院主水司大膳職大學寮勸學院燒邸第坊市二萬餘家死數千人天皇駕腰輿自開院徙權大納言藤原邦綱正親町第避之戊戌還開院己亥晦夜盜入假太政官中廳放火掠資財傷宿衛士五月辛亥延麻寺僧徒闖座主明雲將處流羣起擾亂宮城戒嚴庚申明雲於伊豆壬戌明雲至粟津僧徒奪之而還六月己巳朔平清盛殺前左衛門尉藤原師光庚午平清盛流權大納言藤原成親於備前是月平清盛流右近衛少將藤原成經檢非違使平康賴法勝寺執行俊寬於鬼界島及其黨蓮淨於佐渡山城守中原基兼於伯耆式部大輔章綱姓於播磨檢非違使惟宗信房於阿波平佐行於美作殺藤原師高右衛門尉藤原師親左兵衛尉藤原師平秋七月丙午平清盛殺藤原成親日本外史一平氏上皇寵后藏子爲清盛妻時子妹生憲仁上皇欲立之仁安元年以清盛敘正二位任內大臣二年遂至從一位陞太政大臣賜隨身兵仗聽輦車入宮敕賜邑於播磨肥前肥後爲大功田世襲重盛敘從二位任權大納言聽帶劍昇殿次子宗盛敘從三位任參議三年二月憲仁受禪甫五歲是爲高倉帝帝母之兄大納言時忠謂眾曰方今天下之人非平族者非人也當是時平族爲朝官者六十餘人其采邑跨三十餘州朝政盡決於清盛清盛有疾詔行非常赦以禱之既而清盛削髮稱淨海興別第於西入條居焉選童三百服異服散布京城內外察誹謗者輒處法京師側目上皇積不能平嘉應元年上皇削髮稱法皇平氏益橫重盛次子資盛與數騎出獵途值攝政藤原基房不下馬徑衝其衛

高倉

七

衛士粹而下之重盛責資盛無禮基房縛送衛士以謝重盛釋其
縛勞而遣之清盛聞之怒曰當今日誰敢辱淨海之孫者必報之
重盛諫止清盛弗聽伏三百人要基房於路摧折其車切從者警
帝因輟朝一日重盛逐資盛之伊勢承安元年清盛進其女德子
為女御遂立為中宮四年右近衛大臣居小松第重盛請自拜之治承
元年轉左近衛大將尋拜內大臣居小松第重盛請自拜之治承
將已而進正一位朝臣舉妬平氏藤原成親以權大納言為法皇
執事重盛娶其妹生子維盛又娶其女為子婦成親子成經娶教
盛女然成親殊希為大將而不得居常憤憤遂圖滅平氏乃與西
光謀饗藏人源行綱密語之曰平氏專恣子所目也吾受院敕命
圖之而未得將率焉子源氏胄也蓋為我將成殊功取顯位行綱
諾之成親遂結檢非違使平康賴式部大輔藤原章綱前近江守
源成雅等又欲結法勝寺執行俊寬數飲之酒令姬人侍焉因乘
閒說之會其鹿谷別館計事宴酣馬逸坐者驚起誤作瓶子成親
曰平氏仆矣西光曰盍梟其首康賴進曰臬首檢非違使之任也
取瓶懸之柱上一坐大笑成親因建策曰祇園祭日京市雜沓乘
此時縱火平氏第疾攻之可以逞矣乃遣行綱布五十部署諸
將所向未發西光疾攻之可以逞矣乃遣行綱布五十部署諸
僧徒來訴之延麻寺延麻寺僧徒與之合兵入京師犯闕重盛以
三千騎衛宮門擊卻之山徒不服還圖再舉法皇令平時忠往諭
解之五月誦師高師經流之西光慙恨終間獻山坐主明雲於法
皇處流明雲素善清盛清盛為奏救之不省已而山僧奪還明雲
法皇怒救諸將士討之清盛不奉救則更救成親成親大喜因聚
兵行綱自度事竟不成不若自首乃夜馳赴西入條間清盛誣編
清盛曰欲攻山徒耳行綱進附其耳語曰否否事係貴族嚮日新
大納言死俄要行綱於鹿谷謀云云聞法皇亦欲親臨焉因法印
靜憲諫之而止事已至此不敢成就院中奏曰有凶徒圖滅臣宗臣
弟宗族遺檢非違使阿部資成就院中奏曰有凶徒圖滅臣宗臣
且執而鞠之然事必有源是以敢奏法皇失色不知所答乃縛西
光至使跪階下清盛叱曰下奴侍過分之寵構陷無罪又敢欲危
我家西光笑曰何謂過分乎公之父但馬守朝官所愧齒公為其
嫡子常著高屐何候中御門氏人呼曰高平太子十八九以捕海
賊二十人功為四位兵衛佐人以為異數焉而今至於大政大
臣是之謂過分耳清盛大怒躍起蹴其面痛掠治之得實命裂其
口又使人召成親成親未知事覺曰平公欲宥山徒令吾請法皇
耳乃往比及西入條見甲士釋騷心驚及入門平氏士難波經遠
妹尾兼康耦進捍之囚於小室將待昏殺之成經康賴以下皆被
逮捕久之重盛至眾迎而謂之曰有大事公來何晚重盛曰是私
事何言大事入謂清盛曰聞欲殺大納言願再思之兒豈以姻戚
云爾哉彼為名族受君寵未可用私怨殺也往時少納言信西興
行死刑發惡左府之墳未二歲信西之墓亦為藤原信賴所發善
惡之應殃慶立至願再思之出見經遠兼康讓其亡狀因戒之曰
慎勿使公乘怒振悔乃歸教盛亦為成經固請皆得減死而清
盛怒不自禁乃就見成親成親低首清盛呼而仰之曰公面可憎
公當死於平治者因內府之請宥之祿位並隆何苦而反成親曰
僕何與知焉事必出讓口僕於貴族有何所怨敢倍畔也清盛願
左右取西光狀來乃自讀二過曰猶言不與知乎公面可憎以其

考一高倉

年

狀擲成親面而入令經遠兼康拷掠成親二人畏清盛下成親於
庭附其耳曰我公隔壁而聽君第叫號二人擊地成親輒叫清盛
曰可矣於是清盛乃被甲執長刀而出召平貞能曰亟戒將士今
舉朝之人嫉我圖我蓋謂我官爵踰分耳在昔田村丸微者也以
下東夷之功超拜大將他多類此者豈獨淨海淨海勤勞非一日也
保元之變我宗族大半赴新院且重仁親王者我父所覆育也而
我思故院遺詔獨屬官軍終克平亂逆平治之變信賴義朝之猖
獗吾而自愛事未可知重命輕躬夷滅凶黨以至於收經宗惟方
等數冒大難無非為官家者以此言之官家恩宥雖窮子孫可也
今乃輕信讒言欲見族滅即毋告者豈不危殆異日網人有再進
言則下宣討我目我為賊不可悔也吾欲先發移之鳥羽宮否者
請幸於此耳北面奴輩或且扞我亟戒將士有主馬盛國者馳告
重盛重盛大驚急命駕赴之入第門族人皆環甲鞍馬旗幟成列
將起重盛烏帽直衣而入宗盛叩其袖曰公何以不披甲重盛脫
曰汝等何以被甲也清盛望見之遽起表黑衣而出數正襟襟甲觀
則不宜被甲也清盛望見之遽起表黑衣而出數正襟襟甲觀
謂重盛曰吾察西光狀如親等乃其枝葉耳閒羣小彙進覬覦
未已而御以輕躁之君何所不至我欲且請幸一邊以待事定語
也重盛聞之世有四恩皇恩為最抑我門雖辱桓武葛原之崩而
降萬人反唇及至大人乃陞太政大臣以兒之不肖且辱大臣大
殿宗族駢植朝廷田園半於天下叨恩極矣為官家所疾誰謂不
宜而命運未艾人既獲宜論罪所歸家事不則於事難謂不
濟滅何必草草為也兒又聞之以王事歸家事不則於事難謂不
況善惡較著者乎重盛自六位至三公沐浴君恩不可勝舉嚮背
之決自有在焉素所撫循士願為重盛死者二百餘人保元之亂
源下野守以敕命斬六條判官兒在當時以為大逆無道不忍言
者也此非大人所親睹乎欲忠則不孝欲孝則不忠重盛進退窮
於此矣生觀是感不若死也大人必欲遂今日之舉先重盛首
然後發且言且泣舉坐感動清盛曰淨海以衰老為此舉非為一
身計徒慮子孫耳乃以為為不可汝好計之乃起入內重盛願讓諸
弟曰今日之事縱令公老耄發事子等何不匡救乃還小松第既
救將士曰欲從公赴院者見重盛到首然後行也乃還小松第既
夜憂慮弗能措於是出令徵兵曰有大事速來會眾相告曰沈重
人出如此令必有由也於是爭赴之一夕二萬餘騎而西八條無
復一人重盛乃令家貞貞能往護清盛清盛問曰小松第何由徵
兵二人對曰院宣內府曰汝父忘君恩欲亂國家命汝討伐之內
府慮君自急也令臣等來護曰君安之重盛在焉當以身請清盛
惶懼曰為我語內府吾前途已迫不復事事唯卿令之二人還報
重盛憊然曰使父為此語吾罪大矣乃親臨勞兵曰汝等應召即
來真不負平生而事出謬傳宜急罷去後有緩急幸毋犂焉因盡
罷去法皇聞之泣曰重盛報怨以恩使人慙愧已而清盛使武士
尚西光并殺師高師經流成親於備前後使人殺之放成經康賴
俊寬於硫黃島教盛常餽遺成
丙寅奉諡讚岐院曰崇德天皇置
國忌贈故左大臣藤原賴長太政大臣正一位八月辛未改元夫

考十高滄

三

赦辛巳以修開院徙御八條院

戊五治承二年日本史秋九月丙子先是延麻寺堂眾聚羣盜與

學生戰學生屢敗奏請討之冬十月甲午法皇命平清盛遣兵援

學生討堂眾不利冬十二月丁酉以皇子言仁為親王甲辰立言

仁親王為皇太子

己六治承三年日本史夏五月辛未祇園僧與清水寺僧鬪燒八

坂塔秋七月辛巳敕遣兵討延麻寺堂眾據山谷者其逃入京師

者使檢非違使搜索竄於諸國者宰吏捕之乙酉晦前內大臣平

重盛薨冬十月丁亥敕參議平教盛遣兵討堂眾堂眾走保橫川

己酉遣藏人頭平經房於延麻寺宣諭堂眾與學生講和十一月

丙辰堂眾焚西塔房舍己巳平清盛罷關白基房以右近衛中將

藤原基通為內大臣關白辛未清盛奪太政大臣師長權大納言

源資賢以下至北面親近法皇者三十九人官職壬申清盛貶前

關白基房為太宰權帥流前太政大臣師長於尾張源資賢於丹

波甲戌清盛幽法皇於烏羽殿日本外史一平氏二年中宮姪清

因重盛請下敕令成經康賴得歸後寬終死島中十一月

產而艱人或謂成親後寬所崇令眾僧禳之法皇乃為誦經率分

身生皇子清盛喜極而哭獻金帛謝之法皇弗懌拋其謝書曰驗

者視朕耶三年立為皇太子清盛驕恣益甚重盛日夜憂懼一夕

夢清盛被誅覺而泣會維盛至飲之酒令好以刀維盛意是乃

小烏者平氏傳家寶刀也受而視之乃無文刀葬時所佩者乃

於色重盛曰毋尤也使公令終吾將佩焉今賜之子女後當知之

五月重盛造熊野祠祈死歸獲傷疾適有醫至自宋清盛欲使治

之重盛辭以失國體且曰兒之獲疾命也遂不使治法皇臨視其

疾三月遂薨年四十二法皇與攝政基房議收其封戶會中納言

關清盛壻藤原基通當任而基房子師家任之甫八歲是時清盛

在福原十一月地震京師相驚曰太政入道來矣已而清盛以

數十騎入京師基房入泣訴法皇曰雖朕亦不能自保也明日使法

竄流不復能奉左右矣法皇曰雖朕亦不能自保也明日使法

靜憲往諭清盛且問其意清盛不見及昏無所答靜憲請去清盛

使子知盛出答曰臣耄矣不復能事君如此而已靜憲趨出屬言

日賢相明德踰天踏地清盛聞之召返面之曰聞子諫止鹿谷之

幸者吾是以見子也抑我家何所負官家重盛新死遊幸自如獨

言上高倉

不憫老夫乎重盛見危授命者數官家賜之越前曰傳女子孫而死即見穢死者何罪且吾爲基通請中納言再三而超拜師家何也凡如淨海者即有過惡當宥及七世今餘命無幾動將見誅身後可知矣言畢垂淚靜憲亦泣少焉說以大義且慰藉之清盛意頗解禮而遣之既而奏帝貶基房代以基通削師家以下四十三人官爵流前太政大臣藤原師長使宗盛率眾造法皇法皇問曰將見流遠地乎宗盛曰非敢然也且幸鳥羽殿以待事定遂移之日還鳥羽靜憲請而從焉清盛乃使人白帝曰今後諸政陛下親之即

福原庚七

治承四年日本史春二月癸卯天皇讓位於皇太子在位十

三年上尊號曰太上天皇稱新院自清盛跋扈法皇幽閉皇威不振朝野多事上皇常憂之久欲遜位嘗奉書法皇竊道其意法皇慰諭懇止至是遂內禪三月徙御正親町第上皇欲悅清盛意以爲法皇紓難以謂清盛崇信嚴島神若車駕臨幸則清盛當歡喜至是將幸嚴島諭旨清盛清盛果大悅園城寺僧徒聞之與延麻寺興福寺僧徒議曰讓位之後先幸石清水賀茂或熊野日吉今

幸嚴島何也欲入京挾兩皇去京師騷擾清盛遣使諭之其夜幸清盛西八條第過鳥羽殿觀法皇相視悲泣遂幸嚴島四月至清盛福原第還御八條坊門櫛笥第六月清盛遷都福原上皇悒悒不樂七月不豫敕天下事務一切勿上聞九月又幸嚴島清盛及子宗盛等從駕迫上皇作誓書十一月還京師御權中納言平賴盛六波羅第自法皇被幽積憂成疾及聞平氏燒東大寺興福寺驚歎遂至大漸養和元年正月辛酉上皇崩於六波羅第年二十一火葬東山清閒寺稱高倉院帝賢明仁孝愠不形色建春門院崩悲慕特甚至廢寢膳當除服侍臣藤原泰通進御衣帝不忍釋服泣然泣下泰通亦悲不自勝左右近侍無能仰視者初受學清原賴業才藻英發治承中宴侍臣於清涼殿帝賦詩世傳稱焉兼善音樂學笛藤原實國特造其妙帝幼時有獻紅樹者帝極愛之

命藤原信成守之一日仕丁乘信成不在斫枝爲薪以煖酒信成歸見而大驚縛仕丁會帝使信成上其樹信成具奏其狀叩頭請罪帝從容曰唐詩有云林閒煖酒燒紅葉誰教仕丁作此風流無所復問帝嘗避方忌夜聞女子哭聲使人問之曰妾事女官某氏某氏素貧營一衣極艱今新製朝服而妾今在途爲盜所劫奪欲再製之某氏力不能辦妾無辭以反命是以泣其人還報帝惻然曰朕聞堯民以堯心爲心今朕不德令人作姦盜是朕之恥也乃召女子問其色樣賜中宮御衣而遣之其寬惠如此及崩朝野莫不哀惜法皇歎曰使帝久在大位則延喜天祿之治可以復見蓋然早世非特朕之不幸國家衰弊百姓何憑又中宮平德子太政大臣清盛女掌侍平氏宮內少輔典侍藤原殖子修理大夫藤原氏參議藤原氏中納言蔡前中宮子四中宮生安德帝殖子信隆女生後高倉院守貞後鳥羽帝掌侍生惟明親王

日本源流考卷十終

